

桐

城

縣

志

柘城縣志目錄

卷一

聖制

輿地志

原始河渠物產

沿革古蹟

疆域陵墓

都鄙風俗

卷二

建置志

城池街坊祠宇

公署津梁寺觀

倉庫堡砦郵政

鋪司祠祀

職官志

官制教諭

知縣訓導

主簿名宦

典史

賦役志

戶口

田賦

差徭

學校志

學制
書院

祀典
義學

學田

卷三

選舉志

薦辟
武進士
封贈

進士
武舉
廕襲

舉人
例貢
監生

附舊志新志不再入

貢生
例授

軍政志

營汛
武功

武備
兵革

武弁
武職附

人物志一

仕宦

卷四

人物志二

儒林
孝友

篤行
忠節

文苑

卷五

人物志三

義行流寓

隱逸

耆壽

附舊志鄉飲

藝術

卷六

列女志

節孝烈女

烈節孝女

孝婦賢母

貞女

卷七

藝文志一

綸章

奏疏

記

卷八

藝文志二

序說

頌議

贊書

論引

辯募疏

卷九

藝文志三

傳

題跋

詩

賦

卷十

藝文志四

墓誌銘

墓表

祭文

書籍志

經

史

子

集

雜著

雜志

災祥

識餘

柘城縣志卷四

人物志二

列女

篤行

文苑

孝友

忠節

儒林

明

竇如珠字帝珍學者稱爲筠峯先生性穎悟弱冠補邑庠生食餼以聖賢之道自勵事繼母李氏孝母背患瘡籲以身代膏粱不入口母復舊食亦復舊待異母弟友愛夫婦相敬如賓終身嚴而不弛於取舍大節尤繩尺惟謹非道一毫不苟取予人不敢以私干之

然樂易平恕內外尊卑間怡怡如也喜利濟不以貧阻其志會明末闖逆圍城人相食先生收族衆維持之多全活有奔竄來歸者分室廬居之更謀其生計俾無轉徙嘗教授講學於家士之景從者衆其學以程朱爲宗一時學者翕然宗師以爲西河夫子復出也門人傳其語錄數十卷兵火後僅存十之二三載中州道學編嵩陽耿逸庵先生介爲立傳歿後五十餘年學者仰其遺範特建祠東門外祀之更崇祀鄉賢子大任庠生積學力行以孝聞孫克勤成進士讀

書中秘振起捷武闡皆公詒謀云

通志載入理學耿介列中州道學編

舊志

國朝

竇克勤字敏修號艮齋又號靜庵祖筠峯以理學鳴當時父道康紹先啟後學行卓然克勤生而穎異十歲爲文能出驚人語弱冠入庠旋與鄉薦不自滿假益肆力於學一日讀大學章句序躍然有得曰學求爲己非爲人也格物致知後喫緊處在誠意關頭過此則聖昧此則狂大學一書熟讀潛玩五閭月不釋手

聞耿逸庵先生講學嵩陽因赴就正投契甚深留書
院者數月益復洞然於洛閩正傳六年五至嵩陽不
厭也既而晤湯潛庵先生接待如逸庵任泌陽教諭
泌地荒殘絃誦絕響至卽集諸生誨以正學分五社
付以勸善規過簿各糾其社登籍行勸懲又立童子
社少者讀孝經小學稍長讀五經性理士風蒸蒸日上
變會提南宮讀書中秘名動長安益閉戶澄懷砥礪
身心性命之業不少怠以內艱歸家居讀禮執經者
踵接無所容念嘗與逸庵先生言宋四大書院中州

居二西曰嵩陽東曰應天應天廢已久無可問遂於東門外創朱陽書院以配嵩陽其規制條科一仿嵩陽服闋補原職散館授檢討時封公在任請假侍親歸生徒雲集日講學課藝無再出之意封公督之北上值會闈分校公慎自矢所得多知名士屢經御試蒙嘉賞又上諭詞臣各書一幅隨書治法堯舜

學遵孔孟其要在主敬謹獨數語以進以疾假歸決意不出矣殫力書院爲經久之計四方慕書院者競相饋遺規恢益廣乃於侍親寢膳之餘優游講席未

幾病終生平著述甚富詳書籍志

通志載入理學尹會一載續洛學編

舊志

篤行 增

國朝

李豔松字霖雨少倜儻有謀畧喜讀書弗事章句季明
寇亂起凡城守大計邑長吏多以詢豔松一一指畫
咸中機宜多所保全人益倚重之會有桀者欲爲亂
豔松陽使其弟與之比盡得其情以白令卒就捕柘
得安堵以子元振貴累贈至光祿大夫工部左侍郎
竇容莊字淑子號一齋廩生太史克勤仲子太史設教
朱陽以理學名世容莊稟有異資復承庭訓年十三

入膠庠稍長潛心性命之學探索經傳性理諸書以
聖賢爲可爲砥行考業惕然惟懼隕其家聲康熙癸
己以五經舉於鄉於是行彌飭而學益粹辭受取予
介然不苟有欲以三千金爲遵例謀一官者事旣辦
容莊聞之瞿然曰士各有志此胡爲者力卻之生平
爲學循循於日用倫常間無纖毫芥蒂留於胸中接
人溫厚和藹雖桀驁子咸知愛重遇盤錯迎刃而解
與人交披肝膽相示人有過委曲相規無疾言厲色
至關名節風化侃侃無少顧忌急人之急盡其心而

後已撫孀孤族戚賴以保全者甚夥尤留心經濟如
河防兵戎糧儲賑濟諸務悉有講貫間及游藝尤服
膺於朱子社倉之法參考衆說欲見諸施行會雍正
二年 詔諭民間各立社倉客莊適在病中聞之令
按戶勸輸不數月而鹿困山坻屹然成巨觀焉未幾
卒年四十六所著述書目詳書籍志子二綽績綽字
山立績字浚古均邑庠父早逝兄弟相勉力學俱有
文名同事寡母先意承志得其歡心績病卒遺一女
綽爲擇配撫其兩姪如子綽著述詳書籍志

王大壽字南山大恩字帝賚編修露子也兄弟皆好學

不事奢華庭訓甚嚴問難稍不會意卽蒙杖責並欣

然領受無倦志日夜私相勉勵惟恐有觸親怒事事

必求勤慎一時內外毫無間言邑令程以孝友旌其

間後大壽移居其父墓右春露秋霜曲盡懣愾之情

每歲施粥縣衣棺木以周貧窶二十餘年年七十以

歲貢終大恩曾讀書鄰舍凜然有魯男子之操翌日

卽移其館聞者敬之其謙和殆不減難兄云以舉人

任滑縣教諭卒於署大壽子可羣字超庵亦舉人署

安徽黟縣知縣旋卒未竟厥施人尤惜之

魏宏重字見思號毅伯宜君令琬子生平誦詩讀書敦行不怠終身如一日爲文不屑拾人牙慧久困文場年及週甲始登一第甫計偕入都又引疾歸不再上識者惜焉伯父珉無子宏重事之如父雅制臺以孝行純篤表其門好施與恤孤賑貧修橋建寺見卽爲之與人相接和平樂易胸無城府卽野老牧豎亦善遇之而性耿介不肯隨俗俯仰遇事有不可者持正不阿雖萬夫不能奪邑人高御史玠與之友善嘗以

真孝廉稱之兩舉鄉飲以壽終

張廷鼎字調庵附貢幼失怙事母孝與弟監生廷彥同居五十餘年始終無間言鄉里宗族有乖忤必質於鼎片言冰釋家無餘貲而見義必爲邑中立社倉建普濟堂育嬰堂皆先事輸將乾隆二十年重修黌學鼎已七十有餘學師以老成屬重任鼎亦不以衰髦辭工竣竟以勞瘁終子鑣庠生

以上舊志

王寶德字阿醕號浦陵歲貢生工制藝以親老不樂進取於宅西築園植花木以娛親志授徒數十人誦讀